

上生經疏會古通今新抄

卷二



上生經疏會古通今新抄卷第二

講經律論少門

詮明

集

疏法花經中至喻摧身也者如彼經云即脫瓔珞細軟上服嚴飾之具更著麤弊垢膩之衣塵土全身右手執持除糞之器其疏釋云千丈化身具德相好圓明居淨土中子見驚走今現穢垢麤身化相隱之如脫瓔珞嚴身之具亦如神力隱身常光但放一尋非佛勝身相好但尔名脫上服相同有漏名著麤弊垢衣示有煩惱惡業如塵土全身先設摧教名為右手用之先故除糞器者二乘因行伏煩惱故以教詮顯義同手執佛自示同斷煩惱行說摧教故故今疏言



喻權身也即接物權以正對彼不定性故 疏現壽  
量而無邊際顯實身也者彼法花經壽量品云我實  
成佛已來無量無邊百千萬億那由他劫等即約報  
身以明壽量也彼疏中云此品來意者前明涌出皆  
言佛化位高衆大時會咸皆生疑今辯法身本無起  
滅化佛近成報身久證化於此衆何所疑哉即以報  
身為實故疏結云此以受用為實化身為權即以自  
受用身而為究理實身所攝以能令彼不定性人至  
究竟故此經即以接物究理權實一對由此權實不  
同應為四句分別一有唯實而非權為即法身法真  
實攝二有唯權而非實為小化身若對定性二乘隨



機摧攝若對地前菩薩及不定性大乘聲聞即接物  
摧攝若大化身及佛十重他受用身亦是接物摧身  
所攝三有亦摧亦實為即自受用報身依金剛經實  
者諸法躰真摧者事相摧迹自受用身有為事相故  
是摧身即是隨機之摧所攝以隨新佛初登極果方  
令見故亦如下說初地菩薩根本智證真如後得智  
見彼他受用佛今此金剛道菩薩初成佛時亦尔根  
本後得二智一躰義分根本智證法身真如後得智  
見彼諸先佛自受用身彼諸先佛自受用身對彼新  
佛即說有應機之義以是後得邪斷證故隨機摧攝  
亦是究理實身所攝其義可知第四句有非摧非實



為除前相 疏謂現八相身者大般若第五百六十  
卷說一從兜率天沒即入胎相二嬰兒三童子四若  
行五成道六降魔七轉法輪八入涅槃何故示現八  
相者彼經云尔時最勝天王復白佛言云何菩薩行  
深般若為度有情示現諸相佛告最勝甚深般若相不  
可得諸菩薩相亦不可得但由方便善巧威力為有  
情類示現入胎乃至涅槃種種化相諸天計常謂無  
墮落是故菩薩為破彼執示現入胎因令彼天起無  
常念世間最勝於欲不染尚有墮落況餘天衆而得  
常耶故勿放逸勤加精進繫念修道如見日輪尚有  
墮落即知螢火不得久住復有諸天放逸著樂不修



正法恣情遊戲雖與菩薩同處天宮不往禮拜不諮  
受法各作是念今且受樂明詒菩薩當受法要共相  
謂言我與菩薩常此同住修行何晚是故菩薩如救  
頭燃破放逸行示現墮落如是示現有二因緣一令  
諸天等離放逸故二令有情咸得見故乃至第八復  
有天人樂聞圓寂菩薩為彼示現涅槃疏有亦報  
亦化謂他受用及八相身者報謂報應酬因之義化  
謂變化權宜之義即八相身具諸功德受用法樂可  
名為報即此變化及他受用身皆為利他權時所現  
可名為化故此二種皆俱句攝疏一者法身稱實  
餘二並權至事相權跡者此即依前金剛經文明權



實義言事相摧跡者即自受用身有為事相故名為  
摧他受用身及變化身摧時現跡故名為摧故云摧  
者事相摧跡二義不同故 疏二者法身及自受用  
身唯佛與佛乃能知之等者此依法花經文明摧實  
之義摧身實身各有十義相翻而立一者唯佛與佛  
乃能知之者乃至十地滿心菩薩觀佛境界如羅縠  
中觀月等故於佛法身亦未圓證於自受用身都未  
曾證況餘凡聖故言唯佛與佛乃能知之二者是身  
之本若法性身能與有為諸法為本故無量義經云  
無量義者從一法生故自受用身他受用身及八相  
身皆是有為法收亦用無為為本無為即是法身故



說法身是身之本若自受用身即以四智品及無漏  
色蘊為性於四智品中若平等性智與大悲相應擊  
大圓鏡智現起十重他受用身若成所作智與大悲  
相應擊大圓鏡智現起三類變化之身即此他受用  
身及變化身皆從自受用身四智品起故說自受用  
身是身之本三俱離差別法身無為本無差別報身  
雖是有為法攝抄二以一一毛端遍周沙界故差別義中  
所不能攝故言俱離差別即法報身二俱離故四功  
德智慧一一無邊陀羅尼門三摩地門名為功德此  
之功德及與智慧若性若相一一無邊若功德智慧  
性即是法身若功德智慧相即是報身今此疏中性



相合說但言功德智慧一一無邊五不可以色心形  
量而取法身無為非色非心亦無形量若自受用身  
雖色心攝以一一根塵遍周沙界故無形量即不可  
以色心之形量而取故與法身合說但云不可以色  
心形量而取六都無分限即是法身及與報身都無  
分劑限量大小之義七都無起盡之相上都無言貫  
通於下起之言生盡之言滅法身凝然不生不滅報  
身雖有四相所遷一得永得盡未來際更無初生後  
滅一期四相中生滅之義故云都無起盡之相八具  
真實德法身具常樂我淨真如法界等無為功德自  
受用身具有為功德皆非化相功德故云具真實德



九修證實成自受用身修實成法身證實成十非應  
物現但是諸佛自利身攝故疏惣結云名之為實此  
一句疏通上十義行相可知 疏他受用身及八相  
身至名之為權者此明權身亦具十義翻上可知  
疏然此實身各居自土俱遍法界非方處求者成唯  
識論第十卷云又自性身依法性土雖此身土躰無  
差別而屬佛法相性異故此佛身土俱非色攝雖不  
可說形量大小然隨事相其量無邊譬如虛空遍一  
切處自受用身<sup>抄</sup>遷依自土謂大圓鏡智相應淨識由  
昔所修自利無漏純淨佛土因緣成熟從初成佛盡  
未來際相依相續變為純淨佛土周圍無際衆寶莊



嚴自受用身常依而住如淨土量身量亦尔諸根相  
好一一無邊無限善根所引生故功德智慧既非色  
法雖不可說形量大小而依所證及所依身亦可說  
言遍一切處 疏法身本有諸佛共同等者但諸衆  
生自迷自悟一真之理本自凝然凡由妄心執著而  
轉為妄執心之所覆故身內身外有而不覺妄心無  
處方證悟之故經云妄心無處即菩提生死涅槃本  
平等 疏煩惱纏累得如來藏名者金剛經云如來  
者無所從來亦無所去故名如來即是真如名如來  
也法花疏云藏是隱覆因性義故今取隱覆之義即  
是煩惱隱覆真理煩惱名藏真理名如來即如來之



藏依主釋如土覆物即空如來藏也若取因性  
名藏經位真如從果彰名如來之藏亦依主釋  
也如金性等即不空如來藏也

疏斷妄生

死出經累時至所依止故者妄為妄心即我法二執  
伐執為頭引生一切諸煩惱障法執為頭引生一切  
諸所知障由煩惱障感今段生死由所知障感變易  
生死故唯識云由我法執二障具生若證二空彼障  
隨斷二障若斷二死亦無故今疏云斷妄生死為若  
斷妄生死真如妙理出纏累時具法身之稱唯識論  
云躰依聚義惣說名身故今疏云諸功德法所依上  
故即約依止釋身義也謂有為無為功德共所依故



名為法身

疏從凡夫位但有無始無漏種子者唯

識論中有三師諍一難隨唯有新熏二護月唯用本  
有三護法新本合說於三解中護法為正其所以者  
若唯新熏初無漏現行應不得起設若起者應無因  
生故知不可若唯本有理亦不然前七轉識應不與  
阿賴耶為因緣性今既為因緣即是能熏於藏識中  
熏種新起故知非理然護法義若未曾生現行但有  
無始本有種子生現已去亦用新熏今從凡位未生  
現行無新熏種所以疏云但有無始無漏種子  
疏由近善友聽聞正法令種漸增為報身本者唯識  
論云此位菩薩依因善友作意資糧四勝力故今此



疏云無始無漏種子即是依因由近善友即是善友  
聽聞正法即是作意令種漸增即是資糧由集福慧  
二種資糧方令無漏種漸增故為報身本也故唯識  
六由習勝解及慙愧故損本識中染種勢力益本識  
內淨種功能亦即此中為報身本也 疏楞伽經云  
阿梨耶識名空如來藏者言阿梨耶者即阿賴耶也  
此云藏識藏者藏也即第八識具三藏義所謂能藏  
所藏執藏義故為與雜染法為緣故有情執為自內  
我故為雜染種是所含藏即阿賴耶具能藏義能藏  
雜染故若從藏識之內三性雜染種子生起現行即  
說藏識具能藏之義與雜染現行而為因也若諸雜



染現行而為能熏熏種在彼藏識中時即藏識現行

卷二六

是所熏所藏之處名為所藏如賊藏山山是所藏之處故說藏識具所藏義亦說藏識為所熏果即能熏雜染現行是因緣也故阿毗達磨經頌云諸法於識藏識於法亦尔更平為因性亦常為果性解云諸法於識藏者是能藏藏識於法亦尔者所藏藏也更平為因性亦常為果性者釋上二句也又此更平亦常四字貫通上下應云亦常更平為因性亦常更平為果性解義可知言執藏者能執名執即第七識或兼第六執第八識為自内我此第八識是六七識所執所藏之處名為執藏即執之藏故依主釋也此阿梨耶



識名空如來藏者。躰是有漏。虛妄不實。說名為空。能  
藏无漏種子。故名為藏。空即是藏。名為空藏。言如來  
者。即四智无漏種子。從當果受。稱名為如來。今此藏  
識名空如來藏者。即如來之空藏。名空如來藏。依主  
立名。法花疏云。藏識有漏。虛妄不實。故名為空。能含  
一切無漏種子。故名如來藏。又云。藏是含藏。因性義。故  
今取含藏義也。疏具足重習无漏法。故名不空如  
來藏者。言具足者是成就義。言重習者。種子異名。即  
阿梨耶識中所成就者。無漏種子。以是无漏法。故名  
不空。如來藏。躰是無漏。不可破壞。離倒究竟。圓成實  
法。名曰不空。能與現行為因性。故復名為藏。不空即



藏名不空藏持業釋也言如來者即是當來所生无  
漏現行乘如實道來成正覺故名如來今此无漏種名  
不空如來藏者即如來之不空藏名不空如來藏依  
主釋也法花疏云四智種子躰是無漏非虛妄法由  
近善友多聞熏習漸次生長當成四智四智之因名  
不空如來藏藏是含藏因性義故今取因性義又解  
約法花疏言多聞熏習漸次生長即顯此疏言具足  
熏習非是成就義及種子異名言具足者是圓滿義  
即多聞也為由多聞數習熏發無漏法故名不空如  
來藏也餘義同前 疏發心修行如幽贊說者以幽  
贊疏久已不行今依餘教略明發心次第者如唯識



云爲具大乘二種姓者略依五位漸次悟入言二種  
姓者一本性住種姓謂無始來依附本識法尔所得  
無漏法因即此亦名不空如來藏也爲但本來住此  
種姓非由熏習名本性住種姓爲即定性大乘及不  
定性大乘但有大乘無漏種者約未發心位名本性  
住種姓又瑜伽四十七種姓住說謂諸菩薩性自仁  
賢性自成就菩薩功德菩薩所應衆多善法於彼現  
行亦有顯現由性仁賢逼遣方便令於善轉非由思  
擇有所制約有所防護住此住中任持一切佛法種  
子於自體中於所依中以具足有一切佛法一切種  
子性不能起上煩惱縛結無間業或斷善根廣如種



姓品說又法花疏云未發心有佛種姓驗有六德一  
利根聞速解故二智慧別是非故三明了不迷暗故  
四多聞先有學植故五強識精彩高爽故六為說法  
花好求佛道非求餘道樂超塵俗故彼經云若有利  
根智慧明了多聞強識求佛道者如是之人乃可為  
說今聞此經驗有佛種義類同彼二習所成種姓為  
聞法界等流法已聞所成等惠習所成言等流法者  
即十二分教從真如法界平等流起名等流法言流  
者出也謂即真如牽生大定俱時根本智流出後得  
智流出大悲心流出化身流出三乘十二分教法此  
即所流名流等即是流名等流法聞法之時即具聞



慧緣名及義方具思慧唯緣其義名具修慧由此三  
慧熏有漏種在藏識中擊發本來無漏種子令漸異  
本故說此位名習所成種性即發菩提心已去若直  
往菩薩經十千劫為毛道凡夫喻若輕毛隨風而轉  
此位菩薩遇惡入惡逢善入善或退或進漸次方至  
初無數劫乃至未入初地已來皆名習所成性故唯  
識疏云此位菩薩未超五畏謂不活畏惡名畏死畏  
惡趣畏處眾怯畏有三處忘失一失念於五境顛倒  
二忘念於受生忘前生事三於久受持法久作久說  
有所忘失或具聰明為他說法勉勵而轉如暗中射  
或中不中或於菩提雖已發趣而後退捨或時捨戒



或利有情而生獸。僥利益安樂。未能廣大無量。於一切菩薩學中。未能普學菩薩相中。未皆成就。在家出家。三分菩薩。正加行中。未等顯現。即從發深固大菩提心已去。乃至經歷第一資糧位。第二加行位。皆是此習所成性。攝自此已去。便入第三見道。即通達位。登極喜地。出見道。入第四修道。即修習位。漸次斷障。證真如理。登餘九地方。至無學。即是第五究竟位。四二九攝廣如餘處。一一別解。疏在地前位。唯修種子。至變化土中者。即習所成性也。由聞熏習。擊無漏種。令漸增長。此無漏種。既有勢力。用資有漏業。令轉殊勝。故能感得報相圓滿。恒生八相變化土中。疏至初地。



已上便資有漏得十王位者即由十地無漏種現資  
有漏故業令感十王花報爲初地菩薩作閻浮王二  
地菩薩作四天王三地菩薩作忉利王四地菩薩作  
夜摩王五地菩薩作兜率王六地菩薩作化樂王七  
地菩薩作他化王八地菩薩作二禪王不作初禪以  
僻見故九地菩薩作三禪王十地菩薩作四禪王菩  
薩滅離无色界生故此十王但是十位此能感業地  
前所造登地已去感分段身受十王位言分段者爲  
蘊異熟果身命短長有定劑限可成一分一段別故  
名分段身問豈不八地已上菩薩皆受變易初地已  
上菩薩或受變易如何十地菩薩皆受十王分段生



死咎然此十王但約十地分位合受非諸菩薩皆定  
必然八九十地設要受時化分段身理亦无失如王  
臣等諸富貴人隨諸郡邑有多舍宅非諸舍宅身皆  
能住菩薩亦尔但表菩薩福德勝故可作十王非諸  
菩薩一一皆受 疏如梵網經說位大小者曾檢彼  
經都无此義然彼經是羅什所譯彼經序云此經本  
有一百一十二卷六十一品於草堂之中三千學士  
與什叅定大小乘五十餘部唯梵網經最後誦出時  
融影三百人等一時受菩薩十戒故與道融別書出  
心地一品流通世二十於後代即今上卷下卷認斯經序翻  
既不脩故無處尋求然下疏文引彼經倡明受用佛



身量大小所化弟子既等師一半即以彼義准此可知  
疏金剛道後有漏皆滅等者即解脫道中棄捨  
四事也一有漏善二劣無漏三二障習氣四變易生  
死然此四事且依正義與金剛道俱滅解脫道中便  
成佛果更有餘義如唯識中 疏有從初地即受變  
易如入滅定至不怖煩惱故者言變易者改轉之義  
謂改惡令細易短令長故唯識論云謂諸無漏有分  
別業由所知障緣助勢力所感殊勝細異熟果由悲  
願力改轉身命無定剎限故名變易謂執菩提可求  
有情可度即此所知障而為緣助助無漏後得有分  
別業令擊發滋助地前所造有漏善業令轉殊勝感



變易身如以有漏善不善業煩惱障為緣感分段生死此以無漏有分別業所知障為緣感變易生死言如入滅定等者唯識論云若諸菩薩先二乘位已得滅定後迴心者一切位中能起此定上明漸悟若不

尔者或有乃至七地滿心方能永伏一切煩惱雖未

永斷欲界修惑而如已斷能起此定論說疏云即攝論說已入

遠地菩薩方能現起滅盡定故有從初地即能永伏

一切煩惱如阿羅漢彼十地中皆起此定經說疏云十

伽經第七卷入道品菩薩前六地中亦能現起滅盡定故

說及十地經說也

疏云十地菩薩有起煩惱謂悲增上者有不起煩惱謂智增上者又解或雖悲智平等而所樂行不同一怖故伏恐為過失二不怖故起為利生故或伏不伏有此差別今明受變易義類同彼故舉為喻若二



垂位後迴心者在地前位便受變易若直往者或有一類智增菩薩怖煩惱故從初地後伏令不起既無煩惱潤分段生所以即從初地便受變易如智增菩薩入滅盡定言滅盡定者為諸菩薩久度有情身心勞慮欲求止息滅盡處心亦欲發生無心寂靜似於涅槃功德故滅依下地定相猶處故難令止息遂乃先伏從下諸地所有俱生諸煩惱障漸次乃至得非想定得此定已對下諸地想受寂微於此地心更分處細先以細心歇處心次以微心歇細心復以微微心歇前微心微微心後前六轉識忽然不現名入滅定即以歇心不生現行種子為此定時復有一類菩



薩悲增上者樂利有情不眠伏惑不怖煩惱從登初地乃至七地受分段身八地已去一切煩惱任運不行無惑潤生方受變易如入滅定故舉為喻復有一類菩薩悲智平等隨居何地能受變易又解或諸菩薩悲智皆等而所樂行不同所以伏惑受變易身前後不定 疏乃至金剛轉位方盡者言轉者轉捨之位如唯識云轉為二分轉捨轉得金剛道時轉捨劣法解脫道中轉得菩提涅槃今言轉位即轉捨之位變易生死方盡以與金剛道俱時滅故故言金剛轉位方盡 疏直往菩薩至寶此下地感現身業者今據定生第四靜慮者故言直往若二乘無學迴心者



隨生處身便受變易若二乘前三果迴心已去或依  
生家身便受變易或先生第四禪廣果天中方受變易

抄二 上二

言避五淨居者以五淨居唯是小乘樂慧聖者居故  
故不生彼言資此下地感現身業者即對上大自在  
天稱下地也 疏有妙淨土出過三界者然此大自  
在宮定在色究竟天上辯抄云若依小乘薩婆多宗  
五淨居中第五淨居名大自在已上更無有色天故  
今依大乘十地經等五淨居外別立大自在宮故三  
藏云雖淨居上亦屬色界有別處所名自在宮有二  
義故名出過三界一無色界無處所故色究竟天已  
上更無器界屬三界繫今大自在宮既色究竟天之



上故云出過三界二云此大自在宮雖屬色究竟天  
攝然其本質以是無漏不墮界繫故云出過三界然  
前解為本也 疏十地論亦言現報利益至智處生  
故者懷素和尚解云行滿今生即證佛果名為現報  
已前諸行但為遠因所以佛位不名後報菩薩後身  
地前業感故名為後報摩醯首羅大自在宮是彼菩  
薩大智有情所生之處名智處生也又解受大智職  
之處名智處生也摩醯首羅是略梵語具足應云莫  
醯伊濕伐羅此云大自在也 疏有十相現大寶花

王座者十地論第十二云此花王座有十種相一者  
主相與諸小座為主故名主相

此花座更有微塵數  
諸小花座為眷屬故二者



量相即十阿僧祇百千三千大千世界三者勝相一  
切衆寶而間錯也四者地相遍滿一切世界故

五者因相出過三界善根起故六者成就相

衆相具足故也

七者第一義相

此座實勝名第一義又此座堪與菩  
薩座中證第一義諦故名第一義相

八者功

德相出過一切諸天所有境界故九者躰相摩尼寶

珠而為躰故十者莊嚴相千花間錯無量寶網彌覆

其上故

疏智境兩如理事相稱者言如者似也即

智之與境兩相似故爲智境冥然俱離差別不作能

取所取相故名爲兩如皆無分限名理事相稱

疏彼二摧身各有差別隨宜而現方處可求者唯識

云他受用身亦依自土謂平等智大慈悲力由昔所



循利他無漏純淨佛土因緣成熟隨住十地菩薩所  
宜變為淨土或小或大或劣或勝前後改轉他受用  
身依之而住能依身量亦無定限若變化身依變化  
土謂成事智大慈悲力由昔所得利他無漏淨穢佛  
土因緣成熟隨未登地有情所宜化為佛土或淨或  
穢或大或小前後改轉佛變化身依之而住能依身  
量亦無定限 疏由彼菩薩悟十百明門者瑜伽四  
十七說一剎那頃證百三摩地以淨天眼見諸佛國  
二見百如來三動百世界身亦能徃放大光明等四  
化為百類普令他見五成熟百類所化有情六若欲  
留命得百劫住世七見前後際百劫中事八智見能



八百法明門九能化百身十能現百菩薩眷屬即前  
十百自在名悟十百明門 疏一佛即是一佛所王  
三千大千世界此理即是百億化身者言三千大千  
世界者即以小千中千大千名為三千合此三千都  
為一大千名三千大千俱舍云四大洲日月蘇迷盧  
欲天梵世各一千名一小千界此小千千倍說名一  
中千此千倍大千少二皆同十四一成壞論云千四大洲乃至  
梵世如是惣說為一小千千倍小千名一中千界千  
中千界惣名一大千如是大千同成同壞言此理即  
是百億化身者即千万為億數之為百億也初以一  
四大洲為一數十四大洲為十數百四大洲為百數



千四大洲為千數此之千數即小千界十箇小千是  
一万百箇小千是十万千箇小千是百万此之百万  
即中千界十箇中千是千万即此千万惣名一億百  
箇中千是十億千箇中千是百億千中千者即是三  
千大千世界也故言百億化身 疏初地菩薩隨侍  
彼佛大小相稱者即等佛一半名為相稱即師資相  
稱故 疏然彼地前至多等佛半者既言多多等佛半  
即是意許少分亦有與佛等者如瞿尸鄰長者與釋  
迦佛等三尺故亦表或有減佛一半其類寔繁  
疏初地已往既證真如至身量必大者通伏難也為  
有難云地前菩薩等佛一半且如千丈化身此身寂



大所化弟子等師一半長五千尺義亦可然如何即  
此加行位菩薩來登初地纔出見道即見第一重他  
受用身此佛身長六十萬億那由他由自初地菩薩  
望加行位身前後非遠如何速有如是廣大之身等  
師一半耶爲通此難故今疏云初地已往既證真如  
現生無漏等四義可知又有難云登地已去若受變  
易細身其義可尔若登地已去受分段應身諸菩薩  
等身量如何等師一半爲通此難故疏復云今段變易

疏二  
十五

應細有殊等其義可知

疏於十王位爲此洲王至

亦復不定者爲初地菩薩若在他受用純淨土中隨  
侍彼佛即等師一半若爲此洲王或受隨類化生身



量即小故言亦復不定即亦同化佛弟子不定稱可  
故言亦復前約對佛云大小相稱即等師一半今約  
化生隨類不定然非前後文義相翻 疏如十百明  
門一一宣說者即如瑜伽論四十七等諸聖教中明  
初地菩薩悟十百明門處一一宣說 疏若至二地  
得千法門者即十千明門也倍前十倍故十字同初  
地所得疏更不言千字異前百數所以但云千法門  
也故十地論第六卷云於初地中一念證得百三摩  
地二地千三昧三地百千三昧四地億三昧五地得  
千億三昧六地百千億三昧七地百千億那由他三  
昧八地得百万三千大千世界微塵數三昧九地於



一念間得阿僧祇百千佛國土微塵數三昧十地菩薩於一念間得十不可說百千萬億那由他世界微塵數三昧餘九百等類皆准此知不能具錄 疏如化弟子侍佛大小者即如為地前所現者化佛之弟子名化弟子侍佛大小者即等師一半也 疏梵網經云我今盧舍那者此云光明遍照今日他受用身也疏文殊師利引出會已方始知見者非是眼見名見但是文殊告語之後意識推度或復了證說名為見知即是見名為知見或彼文殊神通力故令見報土眼觀名見知與見異名為知見 疏黃門者新章疏

云以次閣門皆唯黃塗之以守此門故曰黃門又古



時五品已上貴人並以雌黃塗門後因反逆遂壞根  
門於宮中駁使本是黃門家子弟故曰黃門國西云  
此有五種一天生不男二作法者三須因發妒故方能  
男四轉根者五半月能男半月不能及無形二形等  
皆根缺之流類也 疏鷲子所見雙林滅者至螺髻

所見等者即維摩經中佛為長者子寶積說淨土因  
行乃至云是故寶積若菩薩欲得淨土當淨其心隨  
其心淨則佛土淨時舍利弗作是念若菩薩心淨則佛  
土淨者我世尊本為菩薩時意豈不淨而是佛土不  
淨若此今時螺髻梵王語舍利弗勿作是意謂此佛  
土以為不淨所以者何我見釋迦牟尼佛土清淨譬如



自在天宮 疏花嚴經云至集會聽法者花嚴經第  
七十六云摩耶夫人告善才言佛子我已成就菩薩  
大願智力解脫法門是故常為諸菩薩母今時菩薩  
從兜率天將降神時有十佛剎微塵數菩薩乃至俱  
來入我身中諸菩薩等於我腹中遊行自在或以三  
千大千世界而為一步或以不可說不可說微塵數  
世界而為一步又念念中十方不可說不可說一切  
世界諸佛如來所菩薩衆會及四大王天三十三天  
乃至色界諸梵天王欲見菩薩處胎神變恭敬供養  
聽受正法皆入我身雖我腹中悉能容受如是衆會  
而身廣大亦不迫迤其諸菩薩各見自處衆會道場



清淨嚴飾 疏故知報佛有化父母者花嚴經中明  
報佛事又說菩薩降神之時將十佛刹微塵數菩薩  
俱來明是報佛摩耶夫人以三昧現腹明是化母然  
此言化非同殊勝妙類如命命鳥等無而忽有雖質  
化現說名為化摩耶夫人是大菩薩以三昧力變化  
其身為報佛母託質變化說名為化化義大同故舉  
為喻然有少別問如下疏云弥勒是化身上生成佛  
亦非他受用佛不處天宮不住摩竭提國成道等故  
前抄所引花嚴經文既言從兜率天將降神時等明  
知是化非是報佛云何疏云故知報佛有化父母却  
證前引鼓音王經云阿弥随佛有父母者乃是報佛



有化父母也豈以化釋迦之事而能證彼報阿彌陀  
佛事耶答此難不然花嚴經中所說釋迦實是報佛  
無從堯率將降神義今彼經言從堯率者欲表報處  
不離化處故舉化相以目報佛意顯一處見異報化雙  
彰故亦如法花經中佛云我常在靈鷲山等說他受  
用土豈淨土中有此土石所成靈鷲山也此亦如是  
疏國土勝阿彌陀佛國土百千万倍不可為比者彥  
抄問云且如觀音助佛揚化何故成佛國土勝阿彌  
陀佛國耶答菩薩助化於初地進修入二地故阿彌  
陀佛屬第一重他受用身已歸息化此二地菩薩與  
觀音菩薩有緣故觀音菩薩成第二重他受用身由



此勝也

疏所以者何等者此問之意有二一問報

佛無先住處其所以者何者是也二問化佛有先住

處其所以者何為也即有何所以有無不同下疏答

之乃雙關答意

少二

六

云他受用佛所化報宜登地菩薩機

器既大然於此處補處無先住處者不可令忻樂心

深所以無先住處若諸化佛而化二乘凡夫機宜既

小然於此處補處有先住處者欲令忻樂心深所以

先有住處今疏于舉一邊令准義答也學者知之

疏下位有父母上位不見文者言下位者即前所引

諸經但明化佛及第一重他受用佛有父母也然摩

耶夫人腹中亦不言是第幾重他受用佛土已上諸



位更無文說故言不見文也

疏三際成道皆有道

樹金剛座道場降魔等事者西域記第八卷云中印  
上境摩竭國有金剛座昔賢劫初成與大地俱起  
據三千大千世界之中下極金輪上侵地際金剛所  
成周百餘步賢劫千佛坐之而入金剛定故曰金剛  
座焉證聖道所亦曰道場大地震動獨無傾搖是故  
如來將成正覺也歷此四隅地皆震動後至此處安  
靜不傾金剛座上菩提樹者畢鉢羅樹也昔佛在世  
高數百尺屢經殘伐猶高四五丈佛坐其下成等正  
覺因而謂之菩提樹焉莖幹黃白枝葉青翠冬夏不  
凋光鮮無變每至如來涅槃之日葉皆凋落頃之復



故是日諸國君王異方法俗數千方衆不召而集香  
水香乳以漑以澆於是奏音樂列香花燈炬繼日竟  
循供養准此傳記之中即現在釋迦佛得道於畢鉢  
羅樹下殊琳中說過去迦葉佛得道為佛時於拘類  
樹下成佛經說未來弥勒佛得道為佛時於龍花菩  
提樹下所以抄二十九疏云三際成道皆有道樹金剛座道場又  
言降魔等事者國西云增長惡法損壞善法稱之為  
魔降魔有二一真降魔菩薩修行成自受用身時而  
有四種一者降煩惱魔於見道降二種分別魔於脩  
道中降俱生煩惱所知二障魔二降天魔直至法雲  
地出心金剛道中放十種光第九道於白毫上放光



照天魔宮殿令動搖是也三降死魔入變易時降令  
段身死魔解脫道中捨四法時降變易身死魔四降  
蘊魔蘊魔樂住菩薩捨無常色獲得常色受想行識  
亦復如是故降蘊魔二假降魔約化身說亦有四種  
一降天魔入慈心定西域記第八云初魔王知菩薩  
將成正覺也誘亂不遂憂惶無賴集諸神衆齊整魔  
軍治兵振旅將憐菩薩於是風雨飄注雷電晦冥縱  
火飛煙揚砂激石脩矛楯之具拯弦笑之用菩薩於  
是入慈悲定凡厥兵仗變為蓮花魔軍怖駭奔馳退  
散二降死魔者被波旬外道請佛入滅佛告曰却後  
三月當為汝入滅表於生死中已得自在降死魔也



三降煩惱魔依小乘說菩薩三十四心一座成佛時  
降煩惱魔也三十四心至下文釋四降蘊魔示歸寂  
滅化火焚身降蘊魔也上依諸抄然未曾見理趣疏  
文疏金剛聖道二障已亡至故名成佛者梵云佛  
陀所謂覺義具三覺故自覺覺他覺行圓滿今疏云  
金剛聖道二障已亡表出因位解脫道中無漏道脩  
者先顯覺滿義具真者證直理故契德者有為功德

三三

合故即自覺義證覺者證於智覺覺悟一切有為無  
為理事法故由具證覺方能利生即覺他義具此三  
義故名成佛無性攝論云一切智即是如來二空根  
本智為此二智證一切法真實之性斷煩惱障顯自



法身即自覺義簡凡夫也一切種智即是二空後得  
智也於一切法一切有情差別而緣種種觀察開示  
化導一切有情由斷所知障證自受用身現十重身  
三類化身即覺他義簡二乘也能自開覺重顯初義  
復能開覺一切有情重顯第二義合此兩句即覺滿  
義簡菩薩也如大夢覺喻根本智顯自覺義煩惱障  
盡證自法身如蓮花開喻後得智起大悲心演十二  
分教覺他有情令生正解趣向佛果如香蘭芬馥兼  
將此喻喻覺滿義惣持上義如花相圓滿 疏如月  
生雲際至遂令月亦有異者月喻諸佛實身器喻衆  
生各別水喻衆生根性即信等五根水清而月影便



現水濁而月影便沉月所現影喻佛摧身衆生根熟  
信水清時摧身便現化緣盡時摧身復隱豈以隨機  
接物摧身千差遂令究理正真實身亦異 疏放鉢  
經云者佛曾放鉢下過四十二洹河沙佛刹因說此  
經名放鉢經於此經中說如疏引 疏文殊既是彼  
佛不知弥勒者故知化也者即故知弥勒後身皆是  
化也問佛具遍知能悟一切種類之法直尔弥勒後  
身作佛是化何以文殊不知勿薄伽梵功能有礙答  
諸佛手相見功能亦無礙弥勒實身但有二種唯佛  
與佛乃能知之非不知也他受用身但有十種易可  
知故亦非文殊不知然諸化身約類有二據躰無量



諸小化身隨類化身隨衆生性衆生之性種類無邊佛  
爲現身種類亦尔本由衆生界無邊故種性無邊衆  
生界若有邊有情應可度盡衆生界既無邊佛之所  
現身亦無邊佛之所現身若有邊諸佛悲願應有限  
量今文殊之智雖無限量能知一切弥勒後身為應  
無量機宜亦無限數理實文殊能知之心弥勒後身  
之境俱不可說心境邊際今疏所引欲顯弥勒後身  
是化所以偏言文殊不能知我舉足下足之事亦非  
文殊之智功能有礙言舉足下足之事者即是行化  
之事也 疏一者一生所繫二者取後之身等者即  
是更有一生繫縛菩薩未得成佛被彼一生之所繫



故名一生所繫一生所繫菩薩躰者即上生身言  
上生身者入中之身有能上生之用名上生身為有  
四生名為一生繫此菩薩名一生所繫或是處天之  
身更有半生名一生所繫故是故疏云上生即一生  
所繫言寂後身者於無始來生死之身寂居後故名  
寂後身即下生身也 疏如第七地菩薩唯此一身  
即受變易名一生所繫者今疏且約直往悲增上者  
登八地已方受變易今在第七地時名一生所繫即  
更有八地所受變易一生之所繫故 疏為一生所  
繫未見誠證理必定有者觀音菩薩既有今身寂後  
身攝必有前生之身名一生所繫然未見誠文故疏



結云理必定有

沙二

王

疏說彌勒菩薩名一生者住人天

中名一生一大生故者此言猶略應云說彌勒菩薩  
名一生所繫者謂於人中未上生時說此菩薩名一  
生所繫此一生言目彼菩薩捨此人中身後更往天  
上有中有本有却下生來住人間有中有本有合二  
中有二本有四生名一生故云一大生也半生名一  
生准此 疏如須陀洹七生等者彼合四七生名七  
生此合四生名一生少分同故故舉為喻俱舍頌云  
未斷脩斷失住果極七返釋曰諸住果者於一切地  
脩所斷煩惱過失都未斷時名為須陀洹生極七返七  
返言顯七往返生是人天中各七生義極言謂顯受



生寂多非諸預流皆受七返故契經說極七返生是  
彼寂多七返生義諸無漏道惣名為流由此為因趣  
涅槃故預言謂顯寂初入義寂初得彼預流果故說  
名預流彼從此後極多經七中有七本有天中亦然  
人天中本合論有二十八生皆七等故說極七生如  
七葉樹此樹枝枝皆生七葉以七等故名七葉樹生  
極七返必證極果名受七生也 疏據實并中有合有四  
生至合有二生者若在人中未生天時說名一生所  
繫合四生名一生一大生故謂從人中沒受天生時一  
天中有二天本有又從天中沒受人生時一人中有  
二人本有合此四生名一大生若說即今菩薩住天



之身名一生所繫者即更有餘半生名一生言半生者四生名一大生中之半生即人中有人本有二生名半生也言中<sup>抄</sup>有<sup>注</sup>者俱舍云死生二有中五蘊名中有惣論生死不離四有謂中生本死言中有者在死有後居生有前二有中聞有五蘊起爲至生處故起此身二有中間故名中有五趣中有如本有形故俱舍云此一業引故如當本有形論云若業能引當所往趣彼業即招能往中有故此中有若往彼趣即如所趣當本有形欲中有量形如小兒年五六歲而根明利菩薩中有如盛年時形量周圓具諸相好故住中有將入胎時照百俱胝四大洲等色界中有身量



圓滿如本有形與衣俱生慚愧增故於欲界中菩薩  
中有亦與衣俱生及鮮白苾芻尼由本願力過去遇  
佛唯有一衣以衣奉佛由此因緣世世有自然永恒  
不離身隨時改變乃至寂後般涅槃時即以此衣纏  
屍焚葬所餘欲界中有無衣由皆增長無慚愧故言  
生有者爲於諸趣正結生時一刹那位所有五蘊言  
本有者在死有前居生有後是過去業本所受有所  
引異熟究竟分明說名本有言死有者在本有後次  
中有前正捨壽命一刹那頃所有五蘊名爲死有廣  
如俱舍說也 疏說在人中除成佛身故有三也者  
爲智度論約菩薩在人中未生天時說故故云說在



人中言除成佛身者彼論意云三生所繫即應言更有三生之所繫故於前四生中不說下生成佛人本有身所以然者非彼本有一生能繫菩薩令不成佛即以此身便成佛故所以除之但說三生繫此菩薩抄二 二十四疏能現等覺作諸佛事者為能示現座金剛喻定無間道時名等覺位菩薩若至解脫道中即是妙覺如來今此生身能現等覺故云取勝生或能示現成正覺名現等覺 疏今者弥勒住觀史陀天具後四生或二三四者今此後字應抄寫者悞應是前字以第五生下生攝故或對前三生為初故說五生為後於後義中但具四生不具後中第五故言具後四生



或二三四者且具二生不具餘二具二生者一增上  
生菩薩現身為兜率主故二大勢生稟性形色勝餘  
天衆故不具餘二生者非作傍生等非入酒肆等故不  
具隨類生非為大魚等非為大醫王等故不具除灾  
生言或三者却添隨類生為隨天衆之類受天身故  
雖非示現於傍生類然等言攝故唯不具除灾生非  
是現身為大魚等言或四者却添除灾生雖非現身  
為大魚等然與天衆為大醫王療治諸天煩惱灾橫  
名除灾生理亦無失 疏舅移聞佛出世遣慈氏等  
至四問種姓者賢愚經云一日諮受勝餘終年學未  
經歲普通經書彥抄云欲為作會顯揚其美遣一弟



子到波羅奈國語於輔相說見所學索於珍寶欲爲  
設會其弟子往至於中道聞人說佛無量德行思慕  
欲見即往者佛行到中路爲虎所敗承一念善心生  
第四天波羅利遂自竭所有大集婆羅門設會人各  
施五百金錢有一婆羅門名勞度叉寂於後至語波  
羅利言我後到來雖不得食當與我五百金錢波羅  
利言資金已盡無可與汝勞度叉言汝不與我當七  
日內呪汝頭破七分波羅利言世有之矣繫念憂愁  
深以為懼前使弟子命終生天者遙見其師愁悴從  
天下來問其師曰何故愁尔師曰有勞度叉不得資  
金欲相致害是故憂尔天聞之曰師不須憂有佛出



世能除世患當往歸依即免此事師問之曰如何名  
佛天曰生迦維羅衛淨飯王家右脅而生尋行七步  
稱天人尊三十二相八十妙好光照天地梵釋侍御  
三十二瑞震動顯發相師觀其兩處在家當作轉輪  
王出家成佛觀老病死不樂國位踰宮出國六年嘗  
行菩提樹下破十八億魔於後夜中普具佛法三明  
六通十力無畏十八不共悉皆滿備至波羅奈初轉  
法輪阿若憍陳如五人漏盡八万諸天得法眼淨無  
數天人發大道意復到摩竭提度鬱呾羅并舍利弗  
目捷連等出家千二百五十比丘以為徒類号曰眾  
僧功德智能不可稱計摠而言之名為佛也今在王



舍城驚頭山中時波羅利聞歎佛德即勅弥勒等一  
十六人往見瞿曇看其相好衆相若脩心念難之四  
難如疏 疏慈氏問已如來具答者為慈氏等以心  
念難之如來言陳具答心心念難云我師波羅利為有  
幾相答云有二相為頭髮紺青及廣長舌相乃至汝  
師年百二十弟子五百婆羅門種一一答之 疏法  
眼淨者即是初果得生空智照證真理觀照名眼法  
之眼故名為法眼法眼即淨名法眼淨由斷分別煩  
惱諸塵垢故 疏並成應果者梵云阿羅訶此云應  
應具三義應斷一切煩惱賊故應不復受後有身故  
應受世間妙供養故即無學果也 疏後從世尊遊



迦維羅衛國等者時淨飯王聞佛成道遊行教化多  
有所度情懷渴仰思得覩佛告優陀耶汝往佛所稱  
我志意白於悉達汝本有要得道當還願尊往言時  
來相見優陀耶到具宣王意佛尋許可七日當往優  
陀耶喜還白消息淨飯王聞告語諸臣優陀耶來云  
佛當還莊嚴宮城極令淨潔塗治街陌遍豎幢幡饒  
儲花香當俟供養嚴辦已訖與諸群臣四十里外奉  
迎世尊於是如來與大眾俱八金剛力士住在八面  
時四天王各在前導時天帝釋與欲界諸天侍衛其  
左時梵天王與色界諸天侍衛其右諸比丘僧列在  
其後佛在衆中放大光明輝耀天地威踰日月普與



大衆乘虛而往漸欲近王下齊人頭王與臣民夫人  
來女觀見大衆晃朗俱顯佛在中央如星中月王大  
歡喜不覺自礼礼問畢訖與共還國住尼拘盧陀僧  
伽藍是時國法男女有別王與臣民日日聽法聞法  
開悟得度者衆諸女人輩各懷怨恨佛與大衆雖復  
還國男子有幸獨得聞法我曹女人不蒙恩祐佛知  
其意即語王言自今已後令國男女番次聽法一日  
一更從是已後蒙度甚多時佛姨母摩訶波闍波提  
佛已出家手自紡織預作一端金色之氎積心係想  
俟候於佛既得見佛喜發心隨即持此氎奉上如來  
佛告憍曇弥汝持此氎往奉衆僧時波闍波提重白



佛言自佛出家心每思念手自紡織傾心俟佛雖願  
垂慈爲我受之佛告之日知母專心欲用施我然思  
愛心福不弘廣若施衆僧獲果弥多我知此事是以  
相勸佛又言日若有檀越於十六種具足別請雖獲  
福報亦未爲多何爲十六比丘比各有一人各有八輩不  
如於中漫請四人所得功德福多於彼十六分中未  
及其一將來末世法垂欲盡正使比丘畜妻挾子四  
人已上名字衆僧應當敬視如舍利弗目犍連等時  
波闍波提心乃開悟即以其衣奉施衆僧 疏從佛  
遊化等者入波羅奈城有一穿珠師偶到道上見於  
弥勒深生敬慕即問大德爲得食不報言未得尋請



歸家設食供養食已慈氏澡漱爲說妙法言詞清美  
聽者無厭時大長者值欲嫁女先與一珠命穿之  
若其穿訖當與金錢十萬於是長者遣人來勞珠師聞  
法五情甘樂語言且去此後當穿其人復語令急須  
穿之囑已遂去往復數度猶故聽法又重遣人賈金  
往取若未穿者却擎珠來使人到問猶故聽法知未  
穿珠急取遂索是不得已即取還他穿珠之師在弥  
勒前次第聽法心無厭退其妻具悉嫌嘖夫言須臾  
之勞當得金錢十萬以濟家中衣食之短但聽沙門  
淨美之言亡失爾許錢物之利

疏慈氏將等者夫

聞其言情懷慨惻弥勒知意而語之言汝今能共至



精舍不空言可尔即時共到精舍將到僧中問衆僧

世

三十八

言若有檀越請一持戒清淨沙門就舍供養所獲福利何如有人得十萬金錢時憍陳如尋即說言假使有人得百車珠寶計其福利不如請一淨戒沙門就舍供養得利心多舍利弗言設復有人得一閻浮提滿中珠寶猶不如請一持戒比丘就舍供養獲利弥多目連言正使有人得二天下滿中七寶實不如請一清淨沙門就舍供養得利極多其餘比丘如是各各比方皆云於彼疏佛因無滅等者梵語阿那律此云無滅復目說言正令得滿四天下珠寶其利猶復不如請一沙門詣舍供養得利殊倍所以然者我是



其證自念過去九十一劫時世飢餓我時賣薪見辟  
支佛乞食不得請至家中以稗子糜而奉施之即於  
現世獲無量福受用無盡從是以來九十一劫天上  
人間無所乏少乃至今身在家之時我常優遊不喜  
世務兄摩訶男常有怨辭我母言我兒福德摩訶男  
言我獨勞慮家裏田業彼優閑卧食云何福德其母  
欲試遣我至田監臨作事令不送食我恠食遲便遣  
人往詣母索食母即遣人往語我言云無所有我還  
白母唯願與我送無所有於時其母聞兒此語即取  
寶案嚴其器物以幙覆上送以與我令摩訶男逐而  
看之已到我前撥去其幙百味飲食案器悉滿如是



餘時在所應意若令滿得四天下寶劫盡之時理當  
消滅復不得久如是我以少廢施辟支佛九十一劫  
福利未滅復緣斯功德見佛度苦以是之故故知諸

少三

于九

一淨戒比丘於舍供養得利多彼四天下寶 疏便

說未來慈氏之事等者表供養弥勒復勝無滅所得  
福利將成大覺故經云於時世尊從外入來聞阿那  
律說過去事告諸比丘汝等說過去事我復次說於  
未來事當來之世閻浮提中土地方正平坦廣博無  
有山川地生軟草猶如天衣亦時人民壽八万四千  
歲身長八丈端正殊妙人性仁和具修十善彼時當  
有轉輪聖王名曰懷伽晉言具足彼時當有婆羅門家生



一男兒字曰彌勒身色紫金三十二相衆好畢滿光明殊赫出家學道成最正覺廣爲衆生轉尊法輪其第一大會度九十三億衆生之類第二大會度九十六億第三大會度九十九億如是比丘三會說法得蒙度者悉我遺法種福衆生或三寶中興供養者出家在家持齋戒者然香燃燈禮拜之者皆得在彼三會之中三會度我遺殘衆生然後乃化同緣之徒於時彌勒聞佛此語從座而起長跪白佛言我願作彼彌勒如來告曰如上教化悉是汝也於時會中有一比丘名阿侍多長跪白佛我願於彼作轉輪之王佛告之曰汝但長夜貪樂生死不規出耶

疏達摩



流支此云法愛等者賢愚經云過去無量阿僧祇劫  
此閻浮提有大國王名達摩流支彥抄云此法愛王  
所管一小國國王名波塞奇彼國有佛出世名号弗沙  
化導衆生時波塞奇王與諸群臣長供養佛及於衆  
僧王先節叙當貢獻大國因供養佛有忘國事使命  
斷絕時法愛王遣使往責時波塞奇自知有過心懷  
愁惱而往白佛佛言汝但還遣使言佛在我國朝夕  
承侍是以無暇往覲大王所有資財並供養佛無可  
進貢時王聞之甚懷嗔怒即發兵衆欲破彼國波塞  
奇王恐懼白佛佛言勿憂但往見王宣說前語礼問  
既畢住在一面大王責問汝何所恃違慢失常不來



朝覲波塞奇言佛世難值願主勿嗔同見於佛王聽  
見佛即共往至是時如來大衆圍遶皆悉入定有一  
比丘入慈心三昧放金光明如火聚王見比丘  
光明特顯即白世尊此一比丘入何等定佛言入慈  
等定王聞倍生欽仰言此慈定巍巍乃尔我當習之  
王遂發心息除嗔怒 疏寂滅道場等者彦云是佛  
昔證寂滅理處是成道之場弥迦女村舊有天祠今  
為精舍經行有五義一消食二除病三深入義味四  
除邪見五身心安樂 疏恒以慈心四無量法教化  
一切者以四無量慈心為首所以先標四無量者一  
慈無量以無嗔為躰二悲無量以不害為體三喜無



量以不嫉為體不嫉即於無嗔上假立四捨無量以  
行捨為體言無量者三義立名一緣無量有情為所  
緣故二起無量行行解亦復極廣大故三受無量果  
得大梵福成如來故四差別者慈能與樂悲能拔苦  
喜於有情得樂離苦深生忻慰捨於有情平等無有  
怨親不起貪嗔平等欲令遠離諸惡此各有三一有  
情緣二法緣三無緣與下大慈大悲三義無異至下  
步二 三十一  
當釋然此行相初習業位若稟性仁慈或宿習力便  
於有情普修四行與樂拔苦忻慰有情平等若不能  
尔應漸習之將一切有情想作七品親分三品為上  
中下怨亦分三為上中下及中容者即非親非怨將



斯七品上品親為初上品惡為末中容者居中分品  
既定從易至難而漸習之將快樂事亦分三品為上  
中下先上品親與上品樂中品親與中品樂下品親  
與下品樂次中品親與上品樂下品親與中品樂中  
容者與下品樂如是乃至第七番上品惡與上品樂  
上品親與中品樂中品親與下品樂一切有情方能  
平等與樂慈既如是悲喜亦然准前可解若捨行相  
亦分三品為上中下將前七品有情中容為第一易  
起捨故從易至難下品親為第二下品惡為第三中  
品親為第四乃至上品惡為第七將三品捨從易至  
難從初向後准前應作上四觀行教法所詮古弥勒



佛恒說此法教化一切諸衆生故 疏經名慈心三

昧光大悲海雲經者從所詮為名也言慈心三昧者  
慈以無嗔為體心即心王以為主故三昧為定能發  
慈故今無嗔名慈心三昧者作隣近釋慈近彼心及  
三昧故名慈心三昧以慈心三昧照境明顯類日月  
光普及一切諸有情故慈心三昧如光名慈心三昧  
光持業釋也大悲海雲者大者顯用非小大悲含容  
一切有情境界如海海能博納故普覆一切有情如  
雲雲能普覆故即此大悲如海如雲亦持業釋也若  
將慈悲相望即相違釋慈心三昧光與大悲海雲異  
名慈心三昧光大悲海雲相違釋也即以四無量為



體皆經之所詮故問經之所詮既四無量何以只舉  
慈悲二法彰能詮稱答以此二法與樂拔苦濟諸有  
情功用勝故又四無量初二後二以此慈悲初二攝  
故所以舉勝攝劣舉初攝後雖標二名即攝四種功  
德故不相違今言慈心三昧光大悲海雲經者能詮  
從所詮受稱為慈心三昧光大悲海雲之經名慈心  
三昧光大悲海雲經即目能詮教也以當來弥勒亦  
說此經故具解釋 疏即說頌曰若有畜生類等者  
初四句歸依佛次三句歸依法次二句歸依僧後三  
句勸學其義可解 疏地六震動者大般若經說有  
二種六動一六方動謂東湧西沒西湧東沒南湧北



沒北湧南沒中湧邊沒邊湧中沒今或是此二六相  
動大般若說謂動湧振擊吼爆搖颺不安為動隣隴  
凹凸為湧或六方出沒名湧隱隱有聲為振舊云自  
下升高為起今云有所扣打為擊砰磕發響為吼舊  
云令生覺悟為覺今云出聲驚異為爆 疏婆羅門  
種姓有衆多者即四種姓內婆羅門中復有多姓因  
事立故只如弥勒是婆羅門種曰母及自性行慈故  
遂於婆羅門中立出 姓謂為慈也此即因性行之  
性得姓望之姓故西域記第七初云梅怛屢耶唐言  
慈即是姓也維摩經疏亦云弥勒者姓也皆書姓望  
之字不著性行之字也 疏字阿逸多者此云無能



勝也如下自解

疏如釋迦是姓者我佛上代從劫

初時立共許王至如來父悅頭檀王此云淨飯依諸  
部律云計有八万四千二百六十王內有十轉輪王  
皆是刹帝利種至八万四千二百五十五懿師摩王  
王有四子一名昭目二名聰目三名調伏鳥四名尸  
樓並皆聰明神武有大威德長妃有子名曰長生頑  
薄醜陋衆人所賤夫人念言我子雖長才不及物而  
彼四子並有威德國祚所歸必鍾此等當誤何計固  
于基業便作是念我今先以情求後以理惑便自莊  
嚴於王入時承敬備礼王欲附近便白王言息愛致  
悅本由情對我今憂惱無復世意微顙若遂或有餘



歡若不見從斯當盡矣王言汝欲何顓理若可從誓  
不相負便白王言王之四子聰明智慧有大威德我  
子雖長才不及人顓王擯斥四子我情乃安王言我  
之四子於家又孝於國無憾我今如何而得擯斥夫  
人又言我心劬勞實虞家國王此四子並有威德民  
各懷歸豎為明黨一旦竟逐必相殲滅大國之位翻  
為他有顓王從之勿思一子王曰汝言甚善吾自知  
時即呼四子而告之曰汝得罪於吾不忍汝死速各  
出國剋已從生四子奉命即便莊嚴時四子母及同  
生姊妹咸索同去一切人民多樂隨從於是拜辭而去  
到雪山北東西遐迴南北廣大地平如掌四子見之



因為頃止人慕風德歸者如雲經數年後王思四子  
問傍臣曰我之四子今在何處傍臣答言在雪山北  
近舍夷林築城抄三十四營邑人民熾盛地沃豐壤衣食無乏  
爵為大國父王歎曰我子釋迦我子釋迦從是已後  
姓釋迦也即是能義廣如餘虜 疏牟尼是号者是  
寂默義諸煩惱言皆寂默故即德号也 疏喬答摩  
是望者五分律云始從賢劫立共許王自後諸王此  
王為首乃至最後大茅草王緣無子息王作是念上  
世已來皆是仙種我若不習應斷仙宗作是念已國  
付大臣便自退身入山修道後經時歲得五通仙年  
既將深頭皆自白有諸弟子取菓汲薪去後多時被



歎撓觸弟子來見以籠盛之後更取汲掛在樹上有  
諸獵者遙瞻觀之謂是白鷺以箭射之仙人中箭命  
乃隨終有兩滴血墮在地上生二甘蔗因日炙開一  
生童男一生童女男名善生女名善賢人貴其種共標  
刹帝利名從是已後望在喬答摩此云日炙種以日  
炙開甘蔗生故亦云甘蔗種舊云瞿曇訛略也此善  
生王即是第八万四千二百五十四王善生王有子  
名懿師摩王懿師摩王有子名憂陀羅王憂陀羅王即  
姓釋迦憂陀羅王有子名耀羅王耀羅王有子名尸  
浮羅王尸浮羅王有子名師子頰師子頰王有子名  
悅頭檀此云淨飯悅頭檀王有子名菩薩菩薩有子名羅



睽羅故我佛得望已來八世得姓已來六世矣

疏劫有多種如別章說者梵語劫波此云時分大乘

小乘多分義同少分有異今釋大乘經須依大乘說

瑜伽劫章頌云劫名次第及數量成住壞空并始終

解云為劫有也二四時三十五量皆等各二十增減與住劫同故

頌云餘三無定不可准故約住劫論多少一者成劫

頌云過此空時成劫興解云為此世界前已經壞空

住約二十增減劫然後從上次第成立前風災壞從

三禪成以前風災壞三禪故前水災壞從二禪成以

前水災壞二禪故前火災壞從初禪成以前火災壞

初禪故且如前是火災壞者初一有情極光淨沒生



為大梵王獨住經一增減劫與宮殿同成後念同分  
有情方生梵輔及梵衆天次成他化自在天樂變化  
天梵率天夜摩天皆有情及器俱時而成然後於下  
有微細風生為諸有情業增上力感此風起即是世  
界將成之相頌云如是展轉大風起堅若金剛不可  
壞傍廣筭計數不及邊際猶如盤掾形解云為周圍  
如盤掾其風旋轉運持世界深厚十六億踰繕那量  
即是三千大千世界之底次光音天布金藏雲降微  
細雨滴如車軸注風輪上深十一億二萬踰繕那量  
又由有情業增上力下八落义水餘凝結成金如熟  
酥停上凝成膜即此金輪厚三億二萬踰繕那量水



金二輪廣闊量等十二落又三千四百半踰繕那又  
由有情業增上力上復降雨注金輪上由具種種威  
德猛風湍激此水復令凝結成山成洲內海外海分  
水甘鹹須弥山王形如胷鼓四寶所成爲北東南西  
如次金銀吠瑠璃頗伽迦寶爲體餘有七重金山遶  
妙高山周匝而住復有鐵輪圍山遶七金山及四大  
洲等住七金山內海抄二 三十六水甘美鐵圍山內海水鹹澁卽  
四大洲於此海內爲瞻部等地獄鬼界於此洲下與  
洲同成器界旣成先成人趣生瞻部洲頌云二禪福  
盡生瞻部身長千尺二千尺光明皎潔能飛騰兩食  
地肥地味餅香味具足資諸大漸次生貪竟多取地



餅失沒林騰生復覓林騰粳米生貯積復失香稻生  
食漸盡觸成便利男女尔時差別形由耽染情身光  
滅世界里闇失光明菩薩慈悲興日月等解云初食  
地肥亦名地味其色鮮白猶如珂雪其味甘美猶如  
石蜜經無量時無敢食者又恐無益於有情身時有  
一人稟性耽味輒吞便食餘人隨學後漸耽味地味  
便隱遂有地皮餅生如雨霽後地皮剥起言林騰者  
從地騰起其狀如林形長十丈皆生菓實滿枝條上猶  
如頭子林騰旣沒有自然香稻生而長七寸亦無糠  
粃此食雖美應於前三便穢在身爲欲蠲除便生二  
道因茲復有男女根殊宿習力故由此便生非理作



意欲貪見魅惑亂身心失意猖狂行非梵行乃至立  
有德人封為田主漸次有餘九種業道既造諸惡遂  
墮餓鬼畜生地獄乃至無間復有利智觀斯三惡遂  
善心生修行十善以此善因漸次生於東勝身洲西  
牛貨洲北俱盧洲四大王天忉利天上名成劫終頌  
云今時成劫乃為終始從梵王終忉利有情及器皆  
成立如是成劫等於住劫二十增減時分惣名成劫  
二者住劫為前有有情初生瞻部壽命二万億歲仍屬  
成劫成未終故乃至有情生忉利天名成劫終瞻部  
洲人壽八万四千歲為住劫初頌云今時瞻部人長  
命八万四千為最上乃後百年減一年至十歲時劫



減終從此子年倍父增還登八万四千歲一增一減  
為一劫數滿二十劫終時即此住劫稱賢劫然此住  
劫最後增至八万四千方滿二十各有增減名一住  
劫與小乘別若依小乘俱舍論說減時漸減增時漸  
增初劫福勝人壽減遲減至十年已等自餘十八增  
減後劫福劣人壽增遲增至八万已等中間十八增  
減故惣說為二十增減然初一劫唯減無增最後一  
劫唯增無減中間十八有增有減大乘不然其義可  
悉又此住劫二十增減每減劫中有小三災起為人  
壽三十飢饉災起減至二十疾疫災生減至十年刀  
兵劫起下文當解已上住劫三者壞劫且如火災壞



世界時有情世間寂於先壞。今時人民自然厭世樂  
修諸定。或有菩薩教化令修。若命終者多生上界。若  
時無間地獄無一有情墮於彼處。若命終者生於餘  
處。無復新生。諸餘地獄餓鬼畜生。亦爾設有惡業有  
情定墮惡趣。亦即寄在傍三千界次壞。人天二趣為  
北俱盧東勝身西牛貨南贍部及四王忉利空居欲  
天皆得上定。生上天宮。如是時經十九增減。頌云始  
從無間終他化時。經十九增減同。又云下界空虛無  
有情日加四倍增。常熱溝池枯涸草木焦。二三日出  
江河竭四五出現。海泉枯六七興時山石融。八時大  
地並炎暉。三千世界猛火聚。皆焰上騰。交梵眾諸天



奔赴趣二禪梵輔梵王次第昇三千世界並灰燼從地  
火起梵王去復經一箇增減時十九從多壞有情一  
劫約少唯論器四者空劫頌云從是虛空如果空還  
經二十增減時過此空時成劫興等以劫波者是時  
分義劫有多種此四為根本又頌云日月歲數小劫  
收增減二四六中劫即二增減四增減六增減皆名  
中劫又八十增減名一大劫即火災劫又等八火災  
劫亦名一大劫即水災劫內有六百四十增減劫又  
等八水災劫亦名一大劫即風災劫內有六十四箇  
火災劫及有五千一百二十箇增減劫然諸菩薩修  
行言經僧祇劫者頌云積聚風災以為數數不及後



僧祇量即此大劫三無數菩薩將登正覺時即依大  
乘有一十百千萬等一百二十數出過此數名數不  
及非是佛智都不知數名數不及若記塵墨等即知  
其數故今言無數數中不攝名無數故又依法花論  
劫有五種一夜二晝三月四時五年即此小劫更有  
多劫如餘教文彥抄云今疏所明時分皆是中二十  
劫中有其莊嚴劫賢劫星宿劫明佛出時分者即是  
此也 疏於過去莊嚴劫等者彥抄云意即劫初成  
水上有千朵蓮花淨居天衆遊戲水中為見此蓮花  
唱言於此劫中有千佛出世莊嚴此界故号莊嚴劫  
言賢劫者意云即成劫初時此三千界是水水上有



千乃求蓮花淨。天人見已而唱言。今此劫中有千賢。

三

三九

人出世故名賢。劫言星宿劫者。意此劫之中有千佛。現猶如於星而歷歷出。故言星宿劫也。疏其三千佛。復各居自類等者。即三千人分為三品。所修勝行。上中下別。故於三劫各別出現名別類說也。

疏無垢稱經等者。即寶蓋王。子供養藥王如來經。五劫月蓋王子亦供養藥王如來。又經五劫相次修行。皆成佛也。疏五濁經云。今當賢劫第九住劫。已有四佛出世等者。意說四佛並出第九劫也。故喻伽劫章頌云。二十數中第九劫。六万四万時。二万拘留那。含迦葉興百歲釋迦牟尼。出歲數少異。屬第九劫正。



與此同 疏賢劫經云人壽一千二百歲等者并云  
有二說一云二萬歲時迦葉佛出世滅度之後減至  
一千二百歲時釋迦始生知足減至百歲方下生故  
二云是第八住劫一增一減增至一千二百歲時釋  
迦始生知足減至百歲時方下生也然約弥勒生天  
當人間歲數增減次第准釋迦者即前解太促後解  
復寬以意但是經有參差況復疏主自云與諸經不  
同故 疏正法五百年等者辯抄云問何名正法像  
法末法答青龍疏云有教有行有得果證名為正法  
有教有行而無果證名為像法建立像似之法滅沒  
正法故雖有教在無行無證名為末法佛初記別正



法一千年像法一千年末法一万年由度女人正法  
 減半然有兩說一云由度女人減五百歲雖說八散  
 不減正法由彼不行正法還減故有經說即賢劫等經也及  
 薩婆多等宗皆四十一堆正法但五百年一云正法一千年  
 若說八散全無行者正法欲減既有行者正法依定  
 大衆部等皆作此說 疏即與諸經不同者所以然  
 者略有二解皆說此經為不盡理一辯抄云此賢劫  
 經不說有末法為對機故略不說之理實合有故但  
 摠言過千五百年後釋迦法盡獨覺行化不言纔過  
 千五百年後釋迦法盡獨覺行化既不言纔即知不  
 遮餘契經中說有末法得一万年此解為勝二國西



云即是將梵夾來時零落却未法文據有者翻譯然  
今時已過一千五百年何無獨覺行化又大集經說  
佛滅度後有五種堅固任持第一五百年解脫堅固  
修行衆生弟子念念證聖者非一第二五百年禪定  
堅固依教修行得定者甚多第三五百年多聞堅固  
習學者盡解三乘教法第四五百年修福堅固四衆  
弟子弘持教法者少好修福門者多所在偏欲興供  
養等第五五百年闢諍堅固雖依教法修行多愛勝  
負互相諍競漸漸末法去聖遙遠三毒所使准此聖  
教豈可佛法只一千五百年耶 疏至三二十歲有  
飢饉疾疫刀兵劫相次而起等者故瑜伽論云人壽



三十歲時方始建立當此之時精妙飲食不可復得  
唯煎煮朽骨共為饌會若遇得一粒稻麥粟稗子等  
重若未足珠藏置箱篋而守護之彼諸有情多無氣  
力真僵在地不復能起由飢餓故有情之類亡歿死  
盡如此大災<sup>抄</sup>經七年七月七日七夜方乃得過彼諸  
有情復共聚集起下<sup>聖</sup>厭離心由此因緣饑渴遂息劫  
章頌云 人壽三十方飢饉 七年七月七日滿  
聚骨運籌多滅亡 爲彼之時有三種事一者聚集  
二者白骨三者運籌此之三事與小乘同俱舍釋云  
一切災患二法為因一耽美食二性嬾墮且飢饉災  
言聚集者有二聚集一人聚集為彼時人由極飢饉



聚集而死二種子聚集為益後人輟已所食置於匱篋  
擬為種子白骨亦二一為彼時人命終未久白骨便  
現二為彼時人飢餓所逼聚集白骨煎汁飲之運籌  
亦二一由糧少行籌食之為一家中從長至幼行籌  
至日得少鹿食二為以籌樾故場倉得少糜粒多用  
水煎以充所食已上俱含義過是歲數起下品獸心天龍降  
雨又若人壽二十歲時本起獸患今乃退捨今時多  
有疾病災橫熱惱相續而生彼諸有情遇此諸病多  
悉殞沒如是病災七月七日七夜方乃得過彼諸有  
情復共聚集起中品獸離心由此因緣壽量無減病災  
乃息又人壽十歲本起獸患今還退捨今時有情展轉



相見各起猛利煞害之心由此因緣隨執草木及以  
 瓦石皆成取極銛利刀劍更相殘害死盡終盡如是  
 刀灾極經七日方乃得過得過已後仙人相誠起上  
 品獸心壽命倍增俱舍論云有至教說若能一晝一  
 夜持不煞戒決定不逢刀兵灾起若能以一訶梨怛  
 雞起殷淨心奉施衆僧決定不逢疾疫劫起若能以  
 一搏之食起殷淨心奉施衆僧決定不逢飢饉灾起  
 疏人懷其善子年<sup>少</sup>倍父漸漸長壽至八万四千歲者  
 中阿含經具明所以今略其要者爲十歲人遭斯相  
 煞仙人相誠遠離煞生生子倍二十歲二十歲人復  
 離不與取生子<sup>倍四</sup>復離邪婬<sup>倍八</sup>復離妄言<sup>倍一</sup>

十歲

十歲

百六



十歲復離兩舌倍三百復離麤言倍六百復離綺語倍二千五百歲此行復離貪嫉倍五復離嗔恚倍一復離難行故起壽行行復離非法欲惡貪邪行法倍四復孝順父母尊重恭敬沙門梵志奉行順事修福業等倍八人壽八萬歲時此閻浮提洲極大豐樂多有人民村邑相近如一鷄飛女年五百歲乃當出嫁唯有七病寒熱大小便利姪欲飢食老等更無餘患時有王名螺為轉輪王聰明智慧有四種軍整御四天下七寶千子具足端正勇猛無畏能伏他眾統領大地乃至大海不以刀仗以法教令令得安樂下生疏云讓佉者此翻螺王其色似螺故也廣如彼經然此是小乘經



但云八万歲若依大無更有四千歲則增倍中超出四千歲也

疏皆有轉輪聖王相次而出者以有轉

輪名轉輪王此有四異為金銀銅鐵輪應別故一切

輪王皆有七寶一者輪寶二者象寶三者馬寶四者

珠寶五者女寶六者主藏臣寶七者主兵臣寶七寶

雖同然勝劣異且如金輪王其輪具足千輻餘三王

輪半半減少餘寶亦劣故成差別又金輪王而生千

子餘三輪王半半減少又金輪王王四洲界銀輪王

王三洲界銅輪王王二洲界鐵輪王王一洲界故成

差別

聖王

疏然論釋云劫減佛興世等者即俱舍論以

劫增時有情樂增難教化故故減劫出世今儀伽王



於劫增時出世至劫減時逢佛故不相違法花疏亦云由是增至八萬歲儼住方出第十劫初減弥勒方生輪王命長故見弥勒 疏至第九百九十九佛共出一大劫中等者云云第九減劫有四佛出第十減劫有一佛出至第十五減劫中有九百九十四佛相次而出此多賢共出世同大賢劫故名一大劫此劫壞已空空已成成已住住已却減時樓至佛出經一增減劫一佛出故名小賢劫此解稍合下文金剛力士經意法花疏亦云此劫壞已葫蘆支佛獨王一起然與瑜伽劫章頌異彼云後第十五減劫中九百九十四佛出乃後住劫欲終時樓至如來方出興即同



一住劫但增減劫異然聖教不同不須和會 疏又

由釋迦弥勒同事底沙世尊等者前途燃燈布髮掩

泥雖亦起劫依俱舍說即是第二無數劫滿途燃燈

佛非百劫中所起劫數故俱舍頌云三無數劫滿途

次逢勝觀勝觀即毗婆尸佛也燃燈寶髻佛初釋迦牟尼即是古

釋迦佛也次前疏言百劫修相好業釋迦買花等者

但要受記次第言買花等又為遠標見底沙佛起劫

之事故云百劫修相好等然非即是修相好時得燃

燈佛之記也又同侍底沙世尊亦非百劫修相好時

仍屬第三無數劫攝但為預起相好劫數故今叙之

至下問答聊簡門中具細和會俱舍云為底沙佛觀



二弟子何者先成道乃見弥勒又觀二弟子所化衆  
生何者機宜先熟乃見釋迦菩薩所化衆生機宜先  
熟遂作是念諸佛出世本為度生此二菩薩將來成  
佛與所化生不相契會然今迴一人就多人即易迴  
多人就一人即難遂告二弟子吾欲遊行汝等後隨  
作是語已隱身不現時二菩薩多時尋覓釋迦菩薩  
到一山中纔行舉足忽見如來在雜寶龕中入火界  
定威光赫弈特異於常忘下一足經七日夜以無怠  
淨心而說一偈讚歎底沙偈云天地此界多聞室逝  
官天處十方無丈夫牛王太沙門尋地山林遍無等  
於是便起九劫九十一劫修妙相成言天地者天上



地下山界者此三千界多聞室者毗沙門宮逝宮者  
大梵王宮外道執常佛号逝宮天處者諸餘天處乃  
至十方尋地尋山尋林遍無與佛等者 疏第四往  
生難易門者釋迦出世曾說二經謂阿弥陀經勸生  
西方上生經中勸生兜率盖隨機有異說此二經阿  
弥陀經正被大機兼濟小器若上生經正被初機小  
器亦被大根今疏主欲令大根小器求生兜率決定  
無疑若願往生西方或量小謨大恐成自悞故相對  
辯有此一門 疏其中生者皆是阿鞞跋致諸大菩  
薩者梵語阿鞞跋致部迷反跋致唐言不退轉不退有五  
一信不退二位不退三證不退四行不退五煩惱不退



如下卷疏說今疏中言阿鞞跋致者即初地已去證不退及八地已上行不退也下言諸大菩薩故既言極樂皆是不退轉地諸大菩薩故知難生也不同梵率天凡亦得生故疏得無生法忍者唯識云八地菩薩得三無生法忍為本性無生忍自然無生忍惑苦無生忍為以無漏智印證忍察三性法故立此三忍若證遍計所執脫躰是無本性不生立本性無生忍若證依他仗因緣有無自然生立自然無生忍若證圓成理上惑苦不生立惑苦無生忍廣如彼論疏經一七日得不退轉者既下言經一小劫得無生法忍即知此言不退轉者是初地所得證不退也